

熱霍亂輯要

R254.7

7

熱霍亂輯要

刊此書閱十五稔。鋟版寄藏刻鋪。惜已殘
缺弗完。今夏天氣酷熱。至秋恐有伏暑霍
亂之症。故竭緜力。重付排印五百部。以便
分送。俾倉猝間。得是症者。方有標準。如蒙
海內慈善家。繼續印施。方便濟人。尤鄙人
所禱祝耳。

1916
丙辰秋七月飲井山人肖巖又識

熱霍亂輯要自序

霍亂古無專書。臨證者卒鮮依據。漢張仲景著傷寒論。於傷寒轉霍亂。立理中四逆等法。原以調中氣而拒寒邪也。後人印定眼目。偏執參朮薑桂。附爲宗。不分寒暑。不辨陰陽。統治一切霍亂。貽誤多矣。國朝海昌王君孟英。於流離兵燹之餘。覩疹癘天札之慘。因時論證。因證立法。而有霍亂論之作。二十餘年。殫精竭神。閱歷既深。揣摩愈到。所辨寒熱二症。如燃犀照水。病無遁情。其隨息居重訂之本。較道光間初刻益爲詳備。海內醫林。早奉爲圭臬。唯此書彙刻潛齋五種中。未易人人購讀。亦一憾事。吾省近年鼠疫盛而霍亂尙少。今夏鼠疫未熄。而霍亂又起。無他五六月間。天時亢旱。暑熱逼人。加以疫氣穢氣。與內伏之邪。欲化熱而不得者。卒然相觸。遂致清濁淆亂。而爲熱霍亂。吐瀉轉筋者。比比皆是。且伏邪內發。客邪外入。

兩邪交注氣機立時閉塞血脈不能流通而發爲乾霍亂者又有之。王氏云霍亂之屬熱者主病之常也衆之所同也。霍亂之屬寒者他氣之逆也人之所獨也奈何一見肢厥脈伏不辨挾暑之現證卽以爲寒又以爲脫疊投熱劑之藥使邪無宣泄愈閉愈冷尙謂服此熱藥一身盡冷可見黍谷春回之不易再遇此症仍用此法死者之冤無從呼籲亦可哀己。蒙觸目傷心不忍坐視迺檢王氏原書將熱霍亂病情治法揭其要者而條列之刊行傳布俾僻壤征途倉卒間先有把握不至爲熱藥所誤則活人苦心差堪少慰耳若夫寒霍亂之症有仲祖聖法在司命者早熟讀之必不混於所施又奚庸置喙耶。

光緒壬寅秋七月雙星節閩縣鄭奮揚肖巖謹識

例言

一夏秋間霍亂之症、因熱者十有七八、因寒者十無二三、故是刻專治熱霍亂、非喜用寒涼、有所偏見也。

一辨熱霍亂、當以口渴、苔黃、便臭、溺赤、爲的據。卽肢厥脈伏、亦不可竟投熱藥、細讀各家辨證名言、便知不謬。

一湯藥王氏旣以梔子豉湯爲主方、故只錄主方加味法、此外不復詳錄、恐不知醫者、未能審問明辨、反至誤事。

一所登策應單方、多經驗古方、最便取用、如能對證、立奏奇功。

一外治各法、爲開閉妙術、實足起死回生、屢試輒驗、王氏亦有所本、非別開生面、而創此新法也。

一是刻分爲四篇、一曰辨症要言、二曰內服要方、三曰外治要法、四曰臨

診要略、俾閱者一目瞭然、

一是刻爲揅急補偏起見、故從簡約、欲考究詳明者、須購讀隨息居重訂
霍亂論、尤能啓悟、

熱霍亂輯要

辨症要言

素問六元正紀大論曰土鬱之發爲嘔吐霍亂

王孟英云諸鬱之發必從熱化土鬱者中焦濕盛而升降之機乃窒其發也每因吸受暑穢或飲食停滯遂至清濁相干亂成頃刻而爲上吐下瀉

又曰不遠熱則熱至熱至則身熱吐下霍亂

王孟英云此明指霍亂有因熱而成者奈病源三因等書或謂霍亂本於風冷遂致印定眼目凡患熱霍亂者率爲藥誤耳

至真要大論曰諸熱瞽癰諸逆衝上諸躁狂越皆屬於火

王孟英云霍亂而見此等証候者皆爲熱邪內盛之的據也

又曰諸轉反戾、

即轉筋拘攣

水液渾濁、諸嘔吐酸暴注下迫、皆屬於熱、

王孟英云此段經文形容霍亂轉筋證象如繪業醫者必人人讀之、何以臨證茫然、徒惑於吊腳痧、麻腳痧等俗名、而貿貿然妄投燥熱之藥、以促人天年、抑何不思之甚耶、

金匱曰、轉筋之爲病、其人臂腳直、脈上下行微弦、轉筋入腹者、雞矢白散主之、

劉守真云、轉、反戾、也、燥於筋則攣而痛、或以爲寒客於筋者誤也、尤拙吾云、轉筋入腹者、脾土虛而肝木乘之也、雞爲木畜、其矢微寒、而能祛風濕以利脾氣、故取以治是病焉、

張石頑云、嘔吐泄瀉者、濕土之變也、轉筋者、風木之變也、濕土爲風木所尅、則爲霍亂轉筋、平胃散加木瓜主之、有一毫口渴、卽是伏熱、凡朮

附姜桂種種燥熱之藥、誤服即死、雖五苓散之桂、亦宜慎用、

千金要方曰、中霍亂暴利、心煩脈數、欲得冷水者、以新汲井水頓服一升、
鄭案中霍亂者、中暑熱而揮霍撩亂也、暴利者、卽內經所謂暴注屬熱也、暑必入心、故心煩、熱邪內熾、故脈數、欲得冷水者、乃病人口燥渴、欲得冷水而自救也、考李時珍本草綱目有云、井泉、地脈也、人之經血象之、病霍亂者、經血必不能流通、孫真人治以新汲井水、匪特以水制火、且具流動之性、可以宣鬱滯之邪、故閩俗於夏月吐瀉、往往以單飲井水、奏效如神、第不知靈妙單方、乃本千金而出也、

醫通曰、乾霍亂

不吐
不瀉

是土鬱不能發泄、火熱內熾、陰陽不交之故、又云其

脈多伏或細小緊澀、或堅勁搏指中帶促結、皆是陰逆陽伏之象、不可誤認陰寒而投熱藥、雖砂仁之辛溫香竄、亦不可輕用、若見面青唇黑、

脈勁搏指、厥逆喘促、多不可救也。

玉衡曰、先吐瀉而心腹疼痛者、從穢氣而發者多、先心腹疼痛而吐瀉者、從暑氣而發者多、然吐瀉之霍亂、乃暑穢傷人氣分、宜用油鹽刮其皮膚、則痧不內攻、若心胸脹悶、腹中疼痛、或如板硬、或如繩縛、或如筋吊、或如錐刺刀割、雖痛極而不吐瀉者、名乾霍亂、乃邪已入營、宜以鍼刺出血。鄭注宜刺少商及曲池委中諸穴則毒有所泄、然後再審其因而藥之、若痧脹已極、難於刮刺者、又必以藥救醒。鄭注宜服紫雪丹五分、涼開水沖服、或辟瘟丹、紫金錠、磨水服庶可十全。

○葉天士云、經曰、暴病暴死、皆屬於火、火鬱於內、不能外達、故似寒症、關竅閉塞、經絡不通、脈道不行、多見沉滯無火之脈。

○王孟英云、熱霍亂因暑邪深入、而滯其經隧、外顯脈細肢寒之假象者、

必有口渴。苔黃。溺赤。便臭之真諦。臨診者慎勿忽焉。

又云。凡傷暑霍亂。有身熱煩渴。氣粗喘悶。而兼厥逆躁擾者。慎勿認爲陰症。但察其小便必黃赤。舌苔必粘膩。或白厚或黃濁。彼時若投姜附藥。轉見渾身青紫而死矣。甚或手足厥冷。少氣唇面爪甲皆青。腹痛自汗。六脈皆伏。而察其吐出酸穢。瀉下臭惡。小便黃赤熱短。或吐下皆係清水。而瀉出如火。謂肚門燒熱小便黃點滴或全無者。皆是熱伏厥陰也。○又

云。吐瀉後身如冷。冰脈沉欲絕。湯藥不下。或發噦。亦是熱伏於內。醫不能察。投藥稍溫。愈服愈吐。驗其口渴。以涼水與之卽止。○又云。暑之爲病。傷之驟則發之暴。傷之漸則發之緩。故九月時候。猶多伏暑霍亂之證。醫者宜知之。

熱霍亂輯要

內服要方

梔子豉湯 治濕熱疫暑轉為霍亂之主劑

炒山梔 三錢

淡香豉 二錢

王孟英云、此傷寒吐劑也、然古方梔子生用、故能涌吐、今炒黑用之、則不復作吐、徐靈胎謂其滌熱除煩之性故在也、而余之治熱霍亂、獨推以為主方、蓋梔子苦寒、善泄鬱熱、故肘後方、以之治乾霍亂矣、豉經蒸腐、性極和中、凡霍亂多由濕鬱化熱、挾穢濁惡氣、而擾攘於中宮、惟此二物、最為

對症良藥、如偶以銀花竹葉清暑風、

鄭注有肌熱頭痛者可加

配以白蔻菖蒲宣穢惡、

有舌濁嘔

濕甚者臣以滑石川樸、

鄭注舌胎白滑帶黃渴不思飲者可加

熱勝者佐以黃芩黃連、

嘔者可加胸次痞結瀉出

同木瓜扁豆則和中、

鄭注吐利已多中氣弱者可加

合甘草牛蒡而化毒、

鄭注兼有斑疹咽痛者可加

熱臭者可加



其有誤投熱藥、而致煩亂躁悶者、亦可藉以爲解救、厥功偉矣、

右揭王氏治霍亂之主方、以示大法、更有黃芩定亂湯、燃照湯、連樸飲、
駕輕湯等方、皆由此方加味、推廣變通、神而明之、存乎其人、恐未諳此
道者、不察病情、不解藥性、雜沓亂投、反至僨事、故不復詳錄、惟此鼓枹
一方、至穩至當、屢試輒驗、如霍亂吐利、胎黃大渴者、可加竹葉石膏、轉
筋溺秘者、可加生苡米黑豆卷、轉筋溺不秘者、可加木瓜蠶砂、挾食積
者可加萊菔枳殼、肝火盛而少腹痛者、可加川楝白芍、血分熱熾者、可
加紫地丁益母草、有嘔噦者、可加枇杷葉蘆根竹茹石斛、腹脹滿者、可加
大腹皮厚樸、身黃者、可加茵陳連翹綠豆皮絲瓜絡、小便不利者、可加
通草車前海金砂、誤服熱藥者、可加綠豆黃連竹葉銀花、誤服補藥者、
可加麥芽萊菔子、以上加法、皆王氏治霍亂之主藥、表而出之、臨診者

可詳細勘問、照症施治、無不應如桴鼓、

附策應單方

從王氏原書摘錄以便窮鄉僻壤昏夜急症醫藥不及擇其對症者服之亦堪奏效

○新汲井水

百沸天泉

卽雨水
煎百沸

各半和服、名陰陽水、瀕湖曰、上焦主納、中焦腐化、下焦主出、三焦通利、陰陽調和、升降周流、則臟腑暢達、一失其道、二氣淆亂、濁陰不降、清陽不升、故發爲霍亂吐瀉之病、飲此卽定者、分其陰陽、使得其平也、案汲井泉以上升、天雨水而下降、故汲者宜新、而降者宜熟也、今人隨便以開水和冷水服、不知分別、大失古法、故服之少效、○新增經驗方生白礬爲末、每服一錢、或先服五分、不拘男婦、用陰陽水調下、凡乾霍亂腹中痞痛、及中暑發痧、不省人事者、服之立可回生、此物能升清降濁、故奏效如神、存心濟人者、宜佩帶身傍、或路中、或深夜、可當仙丹、○聖濟方東壁土一塊、煮汁飲之、○普濟方生扁豆研末、入醋少許、新汲水和服、○廣筆記絲瓜絡一

片、白霜梅肉一錢、

併核中仁用

共研爛、新汲水調服、○聖惠方生藕搗汁飲之、○

永類鈴方、陳倉米煮清湯稍飲之、治霍亂大渴、王氏云陳倉米雖云清熱止渴、惟霍亂已止者服之爲宜、若邪勢方張、吐下未平之際、尙嫌其守、宜用冬瓜一觔、水煮清湯、俟稍涼飲之、冬瓜甘淡微涼、極清暑濕、無論病前病後、用以代飲、妙不可言、○千金方鮮蘆根一兩、大麥冬五錢、水煎服、王氏云單用蘆根煎飲、亦止煩渴、或與竹葉同煎更佳、○夢隱方梨肉煮湯服、渴甚搗汁飲、又方生綠豆急火煎清湯涼服、○葉天士方枇杷葉刷去毛、濃煎徐飲、此方不但解霍亂之渴也、若深冬采之、刷毛洗淨、切碎、淨鍋炒乾、瓷瓶密收、常以代茗、可杜暑濕時疫、及噎呃諸病、○以下治霍亂轉筋、金匱方雄雞矢白、臘月收之、水和溫服、○千金方地漿、掘黃土乾淨地、作坎深三尺、以新汲水沃入攪之、少頃取清者飲三五杓、羅謙甫云、